

# КОММУНАЛ С Ю Р Е С

Редакциялэн адресэз:  
Поселок Балезино, УАССР,  
Советской ульча, № 9.

Дуныз 5 копейка

ВКП(б)-лэн Балезино райкомезлэн но райисполкомлэн органзы

## Тулыс кизыны ю кидысэз умой дасытоно

Кылем 1939 аре районым тросэз колхоз'ёс выль урожай басыны быгатызы. Чумбер'яг колхоз вань тысё культураос'я гектарысь быдэн 20,7 центнер урожай басытыз, Потороино, Б-Унте, „Самопомощ“, Юмыж но мукет'ёсыз колхоз'ёс арлы быдэ устойчивый урожай гектарысь быдэн 16-17 центнер басыто, со возматэ, что районсытымы колхоз'ёс арысь-аре сельской хозяйствон выльсь нормон'ёсты басытон понна кужмо нюр'ясько.

Партилен 18 с'ездэз Сталин эш арлы быдэ 8 миллиард пуд ю тысё октыны выльсь ужпум пуктыз. Тйни со сталинской лозунгез уж вылын быдэстыны понна нырысь ик ю кидыс решать каре. Сое власа районсытымы тросэз колхоз'ёс ю кидыс дасытон борды по большевистски кутскизы. Кылсарысь, Кировлэн нимыныз нимам колхоз ю кидысэ сортировать но триеровать карыса ваньзэ быдэстызы. Озы ик ю кидыс дасытонэн Балезино, Исаково сельсовет'ёсын но ужпум'ёс умоось, татысь кудыз-огез колхоз'ёс ю кидысэс ваньзэ сортировать карыса быдэстызы ни. Ю кидыс дасытонэн озы ик Х-Оросово колхоз но бере уг кылы, татын ю кидыс сортировать карон ваньмыз быдэстэмын.

Нош ю кидыс дасытон ужен тросэз сельсовет'ёс, колхоз'ёс чидантэм бере кылё. Бурино сельсоветын ваньмыз ю кидыссы 8 процентзэ гинэ сортировать каремын, Бозгон сельсоветын 9 процент, Ягошур сельсоветын 14 процент гинэ. Вань колхоз'ёс, куд'ёсыз ю кидыс сортировать карон борды прочсэ бз на кутскылэ (М-Унте колхоз но мукет'ёсыз). Тросаз колхоз'ёсын сортировкаос, триер'ёс кулэез'я уже кутымтэ. Кылсарысь, Чашкино колхозлэн председателез Кудрявцев триерез сйзыл дырысен „ремень бвёл“ шуса ужтэк сылытэ ни, нош ремень солы Бурино МТС кемалась сэтэ ни вал. Озы ик триерез дас нунал чож Кыкетй Воегурт колхозын но сылытызы, татысь участковой агроном Лекомцев ю кидысэз дасын ужен прочсэ уг кивалты, озы районымы 27 триер'ёс пблысь 19-сэз гинэ умой умой уже кутэмын.

### БОРДГАЗЕТЭН УМОЙ КИВАЛТЭ

Эркешово колхозысь бордгазетлэн редакторез В. В. Корепанов бордгазет поттон ужен умой кивалтэ. 1929 арын со ваньзэ 15 номер бордгазет поттыз. Тужгес ик бордгазетлэн ужез тулыс ю кизён но ю октон-калтон дыр'я

Собере, тросаз колхоз'ёсын ю кидыс'ёсы сисъмыны но шедьылэмын. „Усть-Пызел“ колхозлэн (председателез А. М. Ворончихин) туэ ю кидысэз ваньмыз сисъмын, Гурлошур колхозын 363 центнерез сисъмын, со сяна Ушур колхозын но вань на сисъмез. Таце урод уж'ёс вичак ю кидысэз эскеримтээн но сое ярантэм склад'ёсын возем думысен потэ, следственной орган'ёс нош, сйце шакрес уж'ёсты шараяса но кулэлыко ужрад'ёсты уг куты. Кылсарысь, Ушур колхозын ю кидысэз сярисъ материал прокуратурае кемалась сэтэмын ни вал, нош прокурор И. Розоров со материалзэ али но жегатыса кияз возе.

Кидысэз кидысэмен гинэ уж уг быдэсмы, сое туж чылкыт сузячо, умой склад'ёсын возёно, потонлыкэ нуналмысь эскерылоно. Кудаз колхоз'ёсын ю кидысэз уг ке поты, сое та нунал'ёсы ик, вакчи дыре, потысь но сортовой кидысэн вештоно. Колхозлы ю кидысэз кылытскыны ноки но право бз сёты. Озы ик районамы клевер, етйн кидыс'ёс но уг окмо, соосты но дыраз шедьтыны сюлмасыконо.

Тулыс ю кизённы дасыськон ужен сельсовет, колхоз председателёссы, партийной организациослы нуналмысь кивалтыны кулэ. Ю кидысэз дасын сяна, ю кизён азелы дасыськонын мукет, трос тырмымтэ азыёс вань на. Тросаз колхоз'ёсын сельхозинвентарез, сельхозмашинаосты, сиес котыр'ёсты тупат'ян борды бз на кутскылэ. Зяниево но Эркешово колхоз'ёсын сельхозинвентар'ёссы кебит дорын лымын тупат'ятэк лош'ясько, нош тулыс ю кизённы нунал'ёс чиньен ляд'ямон гинэ кылемын ни.

Тулыс ю кизён азелы умой дасыськон, но кизённэз вакчи дыре но образцово быдэстон—выль урожай басытон—лэсь луонлыкэ быдэскын решать каре, сонн ик тулыс ю кизён азелы али кужмо дасыськоно. Коткуд колхозэз ефремовской звеноосты кылдыт'яса но соослы ужаны условие сётыса, 1940 арын эшшо но выль рекордной урожай басытон понна нюр'яськоме!

умой пуктэмын вал.

Корепанов эш 1940 арын но бордгазетлэн уженыз умой кивалтоз, колхозын трудовой дисциплинаез юнатон понна бордгазет кужмо нюр'яськоз.

П. Корепанов.

## ТУЛЫС КИЗЕНЛЫ ДАСЯСЬКОН.

### Кизён азелы уг дасысько

11-тй январе 1940 аре Оросовской сельсоветлэн активезлэн совещаниез ортчиз. Совещаниеын тулыс ю кизён азелы дасыськон сярисъ в-прос обсуждаться карыськиз.

Оросовской сельсовет тулыс ю кизённы чидантэм ляд дасыське шуса совещание пусйиз. Ю кидыс кидыс татын, та дырозь, тысё культураос'я 90,5 процентны, технической культураос'я 34 процентны гинэ тырмытэмын. Клевер кидыс одйг тысь но кидысэ сортировать карон виль культураос'я 25 процентны гинэ быдэстэмын. Минеральной кидысэ ваньзэ 622 центнер ваёно вал, ваёмын 61 центнер гинэ. Печез но птичьи помьётэз люканы сельсовет'я одйг Лагуново колхоз гинэ кутскизы ни.

Сельхозинвентарез но машинаосты тупат'янэз 10-тй январозь одйг колхоз но бз быдэсты, нош Харитоново колхоз со уж борды прочсэ бз на кутскыны. Озы ик Оросовской сельсоветысь колхоз'ёс етй заводын ужаны гожтэм договор'ёсэс но уг быдэс'яло. Сед Иваново но Х-Оросово колхоз'ёслэн

председателёссы етй заводэ ужаны договор'я 60-70 процентзэ гинэ ужасысьсэс ысто.

Выль верам тырмымтэосты палэнтны понна, активлэн совещаниез постановить кары: ю кидыс кидысэ одйг кык нунал кустын быдэстыны, сортировать каронэз вань культураос'я 10-тй февралэ быдэстыны, сельхозинвентарез, машинаосты но сиес котыр'ёсты тупат'янэз 10-тй февралэ быдэстыны, минеральной кидысэ ваёнэз 1-тй февралэ быдэстыны, пень люканы толэзлы кык пол ортчыт'яны.

Тулыс ю кизённэз вакчи дыре но образцово быдэстыны понна колхоз'ёс, бригадоос но звеноос кустын социалистической соревнованиез паськыт вольмытоно, соос кустын сонд договор гожтонэз та нунал'ёсы быдэстоно. Ваньмыз колхоз'ёсын ефремовской звеноосты кылдытоно.

Активлэн совещаниез та сяна, етй заводэ ужасысьты дыраз ны'ян сярисъ кулэлыко ужрад'ёсты кутызы.

А. Русских, Кожевников, Федоров

### Балезино колхозын

Районсытымы туж тросэз колхоз'ёе тулыс кизён азелы дасыськон выль нимысьтыз вниманизэс вис'язы но практической уж'ёсты ортчыто.

Прочсэ мукет ужпум Балезино колхозын. Тулыс кизённы дасыськон сярисъ татын



Псковской округысь Палкинской районьсы, „Красный Маяк“ колхозлэн льноводной звенолэн звеньевоз Е. А. Алексеев, „Трудовой доблесть понна“ медален наградить каремын. 1939 арын Всесоюзной сельскохозяйственной выставкалэн участникез—масовой отборен быр'ем етйн кидысэз эскере.

Всесоюзной сельскохозяйственной выставкалэсь участник'ёсэ наградить но премировать карон.

1 теплэз диплом, 10.000 манет премия но легковой автомашина Горьковской областысь, Кстовской районьсы, Балинской сельсоветысь, Степан Рафинлэн нимыныз нимам колхозлы сэтэмын. 1937-38 ар'ёсы колхоз шорлыдын гектары быдэ басытыз: огреч—326 центнер, томат ёс—270,6 центнер, сугон-репка 235 центнер, тысё культураосты 13,6 центнер.



Суред вылы: Колхоз председателёз Григорий Михайлович Гурьянов.

### Ворошилово колхоз тулыс кизённы умой дасыське

Ворошиловлэн нимыныз нимам колхозын тулыс ю кизён азелы умой дасысько. Татын котькуд тысё культураос'я ю кидыс 100 процентны кидысэ быдэстэмын но шертыса умоось склад'ёсын возисько. Та колхозын ваньмыз куать бригада ляд'яське, соос пблысь тулыс ю кизённы тужгес ик умой нырысетй бригада дасыське. Та бригадаын тулыс ю кизён азелы сельхозинвентарь, машинаос но ремонттировать карыса быдэстэмын ни.

Куиньметй бригадаысь, колхозник'ёс тулыс кизённэз умой ортчытыны понна, ас бригадаенызы социалистической соревнование пырыськизы. Звеноос кустын сонд договор гожтэмын.

В. Тютин, Я. Калинин.

### ХРОНИКА

М. М. Каганович эшлэн мукет уже воштыськемын валче но сое авиапромышленностьлэн Наркомезлэн должностьысьтыз мозмытэмен валче авиапромышленностьлэн наркомезлэн должностьэз назначить каремын А. И. Шахурин эш, самолетостроенилэн наркомезлы заместительёсы назначить каремын А. С. Яковлев но П. А. Воронин эш'ёс,

И. В.

# В. И. Ленинэн „Материализм и эмпириокритицизм“ книгаезлэн атеистической значениез

1905 аре луэм революциез царской правительство зйбем бере, туж лек черносотенной реакциялэн дырыз кутскиз. Царской правительство туж чурит расправиться кариз ужасьёсын но крестьян'ёсын. Революционер'ёс сюрё'ёсын ошылемын вал но тюрьмаосын но каторгаын курадзылытэмын. Контрреволюционной буржуазно-помещичьей гыжкал'ёс наступление нуизы идеологической фронтын но. Тазы соос туртто вал быдтыны пролетариатлэсь идеологизэ—марксизмез. Та гыжкал'ёслы татын юрттызы революцилэн мелкобуржуазной попутчик'ёсыз, куд'ёсыз революционной движение борды та движение жутскон дыр'я чурт-насыкызы, реакциялэн ар'ёсаз нош кошкызы. „Быдэс ул'ё модноесь писатель'ёс кылдыз, куд'ёсыз „критиковать“ нс „разносить карылызы“, марксизмез революция вылэ сялалызы, сое мыскылазы, уш'ял лязы предательствоез, „личностьлэсь культэ“ уш'ян улсын полевой развратэз уш'яллызы.

Философлэн областяз марксизмез „критиковать“, „революция“ карыны тыршон'ёс кужмоязы, озы ик кылдызы пёртэмез религиозной теориоз, куд'ёсыз шобартылэмын вал якобы „научной“ довод'ёсын“ (ВКП(б)-лэн историез, удмурт кылэ берыктэмез 109 стр.)

Буржуазной интеллигенция калык пушкын религиялэсь влияниез пёртэм кескич но лэчтытэ амал'ёсын кужмоятыны турттыз. Православилэсь вуж догмаосэсь выльдон борды кутскиз, выль инмар, выль религия утчаны д'яз. Инмар утчасьёс но инмар лэсьтисьёс литератураез но кычэ возытэз валамтэ поповщинаен тымыны кутскизы.

Реакция дыр'я упадничество но ренегатство кылдыз партийной интеллигент'ёслэн куд-ог люкет'ёсыз пöлын но. Соос асьсэзыс марксист'ёсын нимаса, уж вылын ноку но юв но последовательно оз сылэ марксизмлэн позициосыз вылын. Та чё интеллигент'ёслэн лыдазы пыризы А. Богданов, Базаров, Луначарский, Юшкевич но мукет'ёсыз. Калык'ёсты пöян понна, асьсэзыс марксист'ёсын нимаса, соос кутскизы „критиковать карыны“ марксизмез, солэсь теоретической основаз—диалектической но исторической материализмез — подорвать карыны тыршызы. Марксистской, материализмлы пумит та адямиос уш'яллызы философской идеализмез тужгес ик реакционной луйсь субъективной формаен. Асьсэос нош соос реакционной западноевропейской философ'ёслэсь — эмпириокритик'ёслэсь Махлэсь но Авенариуслэсь дышетскизы. Марксизм бордысь палгытскем куд-ог интеллигент'ёс, кылсырысь, Луначарский, вуизы со дыре, что социализмез религиен герваны кулэ, выль религия кылдытыны кулэ шуыса кылпум вöлдыны кутскизы, соос инмар лэсьтон (богостроительство)

борды кутскизы. „Марксист'ёс азын сылз кельтыны луонтэм задача—сөтын кулэ отповедь та пепе-рожденец'ёслы марксизмэн теориезлэн областяз, кельтыны соос эсь масказэс, шараяны соосты пумозы и отстоять карыны, тыни озы, марксистской партилэсь теоретической основаосэ. (ВКП(б)-лэн историез, удмурт кылэ берыктэмез 110 стр.)

Та задачаез быдэстиз Ленин аслаз „Материализм и эмпириокритицизм“ знаменигой книгаз. Та книга 109 аре потыз.

Марксистской учение понна сылыса но азылане разнивать карыса, зуч идеалист'ёсты но соослэсь европейской дышетисьёссыс быдгыса ик куштысь критика улэ басьтыса, Ленин куашкатыса ик куштэ поповщинаез. Ленин возматэ, что философской идеализм возматэ реакционной клас'ёслэсь идеологизэс, что реакционной идеалистической философия, Махлэн, но Авенариуслэн но зуч'ёс пöлысь соослэсь бөрсызы мынисьёссылэн так называемой эмпириокритицизмзы, шонерак религия пала дурбастэм луэ, соослэн инмар лэсьтоняз (богостроительство) та реакционной философияен юн герзаськемын.

Реакционной эксплуататорской клас'ёс выдвигать каро но уш'яло идеалистической философияез соин, что со нуэ религиозной мракобесие, религиез поддерживать каре. Религия нош эксплуататор'ёслэн кыязы калык'ёсты усукмытон понна средствоен, эксплоататорской строез юнматон понна средствоен луэ. Философской идеализм марксизмлы пумит луэ. Философской идеализмлэн верамез'я, природа, материя сознанилэн, ощущенилэн, духлэн, разумлэн вордэм'ёсы луэ. Озы бере валамон, со быдэсак поддерживать каре инмар дуннеез кылдытэ шуыса поп'ёслэсь супыльтон'ёссыс. Философской идеализм луэ поповщиналэн кескич ужан амалэныз. Махлэн но Авенариуслэн но соослэн бөрсызы мынись зуч'ёслэн—Богдановлэн, Базаровлэн, Юшкевичлэн эмпириокритицизмзы философской идеализмлэн разновидностеныз луэ. „Материализм и эмпириокритицизм“ книгаз Ленин возматэз тае туж умой валамон.

„...асмелэл махист'ёсмы,—гож'яз Ленин,—ваньзы ик нöдйы идеализм пушкы, мукет сямен вераса, лябомытэм, лэчтатэм ф а д е и з м е...“ (XIII том, 282 стр.)

Западно-европейской махист'ёс (яке эмпириокритик'ёс) утверждать карызы, что дуннеесь вань предмет'ёс луо ощущениослэн комплексэнызы гинэ. Озы бере, внешней мир существовать уг кары асьме сознанимылэсь зависть карытэк. Со, пе, существовать каре только асьме сознаниын но асьме ощущениосын. Зуч махист'ёс Богдановлэн кивалтэмез'я та реакционной философияез подхва-

тить карызы но, вань кужым-зэс поныса, сое вöлмытынь кутскизы. Богданов утверждать карылыз мир, пе, опытлэн элемент'ёсылэсь соотоять каре. Опытлэн та элемент'ёсыз номырин но мукет уг луо адямиослэн психической элемент'ёсынызы но психической переживаниосынызы сяна. Богданов уш'яскылыз соин, что со, пе, пуктыз быдэсак физической природ улэ психической „всеобщий пыкет“, мукет сямен вераса физической мирез калык лэн сознаниелэсь производой луэ шуыса ялыз. Озы тын'э сознание, пе, природаез кылдытэ. Озы бере, эмпириокритик'ёс но, ваньмыз идеалист'ёс сямен ик, материез, природаез вторичноен лыд'язы, а первичной интые басьтылызы сознаниез, ощущениез.

Ленин возматэз, что эмпириокритик'ёс повторять каро английской епископлэсь Берклилэсь философской выкрутас'ёссыс. (Кылемез вуоно номерын)

## Коть ма сярись вакчияк

Бобровской лесоучастокысь ужасьёс понна ларек кылдытэмын. Та лареклэн вузкаризе с Г. И. Шихов но пекарь П. А. Мартыанов ларекез асьсэлэн личной пользованияы пöрмытызы. Соос кыкназы ик ларекысь нянез кöня мылзы потэ басьто но дуно луны палэн вузало. Озы ке но Шиховлы но Мартыановлы нокучэ ужрад'ёс уг кутисько.

Ш. Д.

Х-Оросово колхозын, сйзыл картовказэс копам бере липет улэ но умой-умой дасямтэ гуэ кысказы. Со бере сое утылгысь нокин дй ни вал. Али картовказы сисьмиз. Колхоз председателъ И. А. Русских та чё фактлэн паланаз кылиз. Али сисьмем картовкаен парс'ёсты сюдо ни.

В.

Эркешево колхозын куинья котыр ю кидыс сортировать каро ни. Азинлык'ёс нош туж лябесь. Сортировать каремез быдэсак 60 центнер'ёс гинэ. Ляб ужамлэн бервылыз татын тодмо. Колхозник'ёслэсь ужамзэс лыдэ басьтысь нокин öвöл. Бригадир'ёс асьсэлэсь ужзэс ас эрказ лэзизы. Одыгетй бригадалэн бригадирез Е. Г. Корепанов чукна колхозник'ёсты уже ыстысь, ачиз гынсапег лэсьтон борды кутске. Колхозник ужан норма-зэ быдэстэ яке уг Корепанов ваньмызы одиг кадэ трудо-день гсжтэ.

К—ёс.

Б.Варыж колхозлэн старшой конюхез В. А. Наговицын ас ужзэ мылкыдтэк быдэс'я. Вал'ёслэн пыд улыстызы кыедзы ноку но уг сязьскы. Кыедзы кормушкаозь вуэ ни. Озы ик вал кыкет котыр но уг тырмы. Нош Наговицын куд ваньзэ но уг сёты.

Наговицын.

Гомельской областысь, Уваровичской районьсь „Новая жизнь“ колхоз туэ арын етйнлэсь умой удалтонлыкэс басьтыны быгатыз. 91 гектар площадьысь коть куд гектарысьтыз быдэн 5,5 центнер селекционной етйн кидыс басьтэмын.



Суред вылын: колхозлэн председателъ С. К. Братилов но етйн'я звеньевой У.О. Стригалева етйн кидысэз гомударстволы сдать карон азын сортировать карем кидысэсь качествозэ эскеро.

## Агрономлэн советэз

### Етйнэз умой муз'ем вылэ кизёно

Етйн—асмелэн районамы сельскохозияственной культураос пöлысь одигеныз ведущой культураен луэ. Етйн бугрес комоко структураен муз'емез кулэ каре. Муз'ем вылын етйн улэ жаг турын'ёс но грибной висен'ёс медам луэлэ. Етйнлы озы ик каччи усвояться карыськысь питательной веществоос, тырмымон ву но омыр кулэ. Тыни сычэ муз'ем вылэ етйнэз кизёно.

Етйнлы клевер кизылым бервылысь муз'ем тужгес ик умой луэ. Кизем бере клевер кык ар турнамын мед луоз. Клевер бервылысь муз'емын етйнлы кулэ луысь питательной веществоос но мукет'ёсыз тырмымон луэ. Малы кешуоно, клевер аслыз будыны понна муз'емысь питательной веществоосты басьтыса, муз'емез питательной веществоосын узьрмытэ. Клевер аслыз будыны, юос но етйн аслызылы питательной веществоосты басьтыны быгатымтэ муз'емлэн соединениосысьтыз но слойёсысьтыз, питательной веществоосты басьтэ. Со сяна клевер муз'емез азотэн узьрмытэ, (гектар вылэ 200 килограммозь). Со азотэз клевер омырысь аслаз клубеньковой бактериосыз пыртй басьтэ. Озы ик клевер муз'еме туж трос аслэсь тыз выжыосэ кельтэ, со выжыос муз'емын сисьмыса растенилы трос питательной веществоосты кельтэ. Со сяна

клеверлэн выжыосыз муз'еме мур пыро, тыни соин муз'емлэн зечлыкэз унолы умой. Клевер кизылым бервылэз умой обработать карыса, со структурной луэ, муз'еме влэга уно люктыске но кемпозиське, муз'еме омыр гапчин пыре, со сяна клевер, жог будзменыз, жаг турын'ёсты соге, быдтэ.

1939 арын Удмуртильсь колхоз'ёсын кизем клевер'ёс кöнякэз быремын. Со бырем клевер вылэ туэ етйнэз кизыны уг яра. Колхоз'ёслы етйн улэ мукет предшественник'ёсты утчаны кулэ. Тужгес ик умой луоз етйнэз кизыны зег кизем бервылэ но выль вылэ. Зег кизем бервылэ етйнэз кизыны, солэсь муз'емэ сйзылысыен дасьтыны кулэ. Севооборотын зег кизем бервыл етйнлы урод предшественникез öвöл.

Колхоз'ёслэн севообороты выль выл'ёс шер луыло, соос али севооборотэ ваньмыз пыртэмын öвöл на. Нош севооборотэ пыртымтэ ке но выль вылэз етйн улэ использовать карыны кулэ. Выль выл етйнлы клевер бервыл кадэ ик умой предшественникез луэ.

Етйнэз кык ар чөже одиг интые кизыны уг луы. Вуоно ар'ёсы севооборотын етйнлы кык ар чөже турна клевер бервылэз, выльвылэз сётоно.

Агроном Н. П. Корепанов.

Вр. редактора В.К. Дерендяев Поттись райисполком.

## ШОНЕРТОН

8 тй январе потэм „Коммунае сюрес“ газетъя берпал страницяз информационно ивортонын 7 январе чукна 10 часысен районной Советлэн нырысетй Сессиезлэн кыктэтй заседаниез ортчиз“ шуса гожтэмын. Сое 7-тй январе интые, 6 январе шуса лыдзено. Та номерын ик берпал страницаян „районной Советлэн нырысетй Сессиезлы обращения“ кыктэтй колонкаезлэн кыктэтй строкаяз „ЧТЗ“-ен 600 гектар, шуса гожтэмын, сое „СТЗ“-ен шуса лыдзёно.

## Ышем документ'ёс

Тюгин Тихон Романовичлэн паспортэз, Касаткина Анна Петровна-лэз, Максимова Эля Николаевна-лэн, Касимов Салыхутдин Мухамадьяновичлэн кооперативной книжкаосы, Чирков Аполос Назаровичлэн вордскем сярись свидетельствоез но паспортлэн выписказэз, Бабинцев Филипп Ивановичлэн кооперативной книжкаез, Наговицын Вячеслав Федоровичлэн вордскем сярись свидетельствоез, Касаткина Лидия Кузьмовна-лэн паспортэз но кыктэтй чугун сюрес лэсьтоньсь 4 участкасытьз расчетной книжкаез ышем. Соосты зэмен лыд'яно öвöл. Победа колхозлэн котырес печатэз ышемын, кудзэ зэмен лыд'яно öвöл.